

海軍部訓令第一九號

閣部人員
令各司令
所屬各機關

時局初定來日大難本總長自維謫陋膺茲重任深虞隕越乃累辭不獲勉以衰軀力疾視事兩月以來幸我海軍將士一德一心匡扶不逮始獲粗安匪獨私衷欣幸亦國家之福惟本總長自歐美歸國與我將士疏闊久矣值此時艱譬猶把舵中流礁沙暗伏針盤不定災患立至間嘗深居默念引為大懼今幸與我軍人周旋區區不欺之誠久為儕輩所共諒爰以質實之言代布胸臆夫世界競爭海軍作用關係至鉅而海軍之根本尤在人材吾國海軍人材方之世界各國尙屬幼稚無庸諱言且老成之輩幾經凋謝所存蓋寡後起之秀亦非一朝一夕所能成就自應為國珍重力求精進蔚為大器至於嚴明賞罰勤修學業尤為勸勉人材之道不容忽視此有關於根本者也世風日熈習為奢縱墮志廢時莫此為甚我海軍人員以身衛國甘犯風濤其志趣之卓絕自不同於流俗况國步艱難人民顛沛於斯已極我軍人坐糜厚糈何忍縱情自娛內慚私德外喪名譽嗣後凡一切嗜好皆當屏除盡淨蓋持躬不正斷無功業可圖我軍人當引為深戒此有關於立身者也保國衛民軍人天職原無省界黨派可言前因國體變更或懷歧見今共和建定五族一家我軍人皆國家之軍人自應以國家為前提恪守軍紀匪勉從公本總長總持部務用人行政一秉至公其有以私意相干者必加痛斥願我軍人共喻斯義毋自蹈愆尤此有關於職守者也以上諸端容有未盡而諸將士分屬寅僚誼同手足本總長愛人以德心所謂危不敢不告幸共勉之

并仰通令所屬一體遵照
(令司令文加此句) 此令

部印

中華民國五年九月八日

海軍總長程璧光

交通部訓令第四三七號

令京漢京奉鐵路管理局
京綏津浦